

ხელშეკრულების მნიშვნელოვანი პირობები

დეპოზიტი ყულაბის შესახებ

სხვა სახელშეკრულებო ინფორმაცია

- დეპოზიტის ვადა: 3 (სამი) თვე, სადეპოზიტო ანგარიშზე მინიმალური ნაშთის განთავსების მომდევნო დღიდან.
- დეპოზიტის ვადის გაგრძელება: თუ დეპოზიტარი არ დააფიქსირებს დეპოზიტზე რიცხული თანხის დეპოზიტის ვადის ამოწურვისთანავე გატანის/გადარიცხვის მოთხოვნას, მაშინ დეპოზიტის მოქმედება ავტომატურად გაგრძელდება 3 (სამი) თვით, გარდა ისეთი შემთხვევებისა, როდესაც დეპოზიტის მოქმედების ავტომატურ გაგრძელებას გამორიცხავს საქართველოს კანონმდებლობა. ამ წესით დეპოზიტის მოქმედება ვადის გაგრძელება ხორციელდება 3 (სამ) თვიანი ვადის ამოწურვის ყოველ ჯერზე.
- პირგასამტეხლო დეპოზიტის ვადამდე მოშლისათვის: 3 (სამ) თვიანი პერიოდისათვის დეპოზიტზე დარიცხული სარგებელის ოდენობით;
- ბანკს უფლება აქვს, ნებისმიერ დროს, ცალმხრივად შეიტანოს ცვლილებები (დამატებები) ხელშეკრულებაში, ცვლილებების (დამატებების) ძალაში შესვლამდე 30 კალენდარული დღით ადრე დეპოზიტარის ინფორმირებით, რაც განხორციელდება მინიმუმ ერთ-ერთი შემდეგი ფორმით: წერილი, ელექტრონული ფოსტა, ინტერნეტ-ბანკი, ბანკი-კლიენტი, მობაილ ბანკი, სატელეფონო ზარი, მოკლე ტექსტური შეტყობინება.
- ბანკს არ ევალება დეპოზიტარის ინფორმირება ხელშეკრულების ისეთ ცვლილებაზე (დამატებაზე), რომელიც არ აუარესებს დეპოზიტარის მდგომარეობას და უფლება აქვს ძალაში შეიყვანოს ბანკის ოფიციალურ ინტერნეტ გვერდზე www.basisbank.ge მისი განთავსების და/ან ბანკის სერვისცენტრებში შესაბამისი ინფორმაციის განთავსებისთანავე;
- თუ წინამდებარე ხელშეკრულების პირობების ცვლილებას, ბანკი განახორციელებს დეპოზიტარის სასარგებლოდ, ბანკი არ არის ვალდებული წინასწარ აცნობოს დეპოზიტარს ცვლილების შესახებ.
- დეპოზიტარი უფლებამოსილია წარადგინოს პრეტენზია სს “ბაზისბანკის” ნებისმიერ სერვისცენტრში ზეპირი ან სტანდარტული წერილობითი ან ელექტრონული ფორმით. ბანკის მიერ პრეტენზიის განხილვის მაქსიმალური ვადაა 30 (ოცდაათი) კალენდარული დღე სათანადო ფორმით შედგენილი პრეტენზიის ბანკის მიერ მიღების დღიდან.
- წინამდებარე თავსართი წარმოადგენს “დეპოზიტი ყულაბის” შესახებ ხელშეკრულების განუყოფელ ნაწილს.
- გაეცანით მომხმარებელთათვის სასარგებლო ინფორმაციას საქართველოს ეროვნული ბანკის ვებგვერდსა – www.nbg.gov.ge/cp და ცხელ ხაზზე – 822 406 406

ხელშეკრულება

(დეპოზიტი ყულაბის შესახებ)

მუხლი 1. ხელშეკრულების საგანი

1.1. ამ ხელშეკრულების საფუძველზე კლიენტს შეუძლია ისარგებლოს დეპოზიტით „ყულაბა“ (შემდომში „დეპოზიტი“ ან „ყულაბა“), რაც გულისხმობს ბანკის მიერ კლიენტისათვის სადეპოზიტო ანგარიშის გახსნას და ანგარიშზე რიცხული თანხისთვის საპროცენტო სარგებლის დარიცხვას, ამ სახის დეპოზიტისათვის (დეპოზიტი „ყულაბა“) ბანკის მიერ დადგენილი პირობებით.

1.2. დეპოზიტის გასახსნელად კლიენტმა ბანკს უნდა მიმართოს განაცხადით (შემდგომში „განაცხადი“) და აირჩიოს დეპოზიტზე მისაბმელი თანხის დაგროვების სქემა. დასაშვებია, კლიენტის მიერ განაცხადის წარდგენა კომუნიკაციის ელექტრონული საშუალებების გამოყენებით, განაცხადის წარდგენას უთანაბრდება კლიენტის მიერ ბანკის შეთავაზებაზე დათანხმება, ამასთან, დასაშვებია შეთავაზებაზე დათანხმება კომუნიკაციის ელექტრონული საშუალებების გამოყენებით.

1.3. ყულაბით მომსახურების მისაღებად კლიენტს აუცილებლად უნდა ჰქონდეს მიმდინარე ანგარიში სს „ბაზისბანკში“. თუ კლიენტს არ აქვს მიმდინარე ანგარიში, განაცხადი იმავდროულად ჩაითვლება განაცხადად მიმდინარე ანგარიშის გახსნის შესახებ და სადეპოზიტო ანგარიშის გახსნასთან ერთად კლიენტს გაეხსნება მიმდინარე ანგარიში.

მუხლი 2. დეპოზიტის მოქმედების ვადა და პირობები

2.1.1. დეპოზიტი იხსნება 3 (სამი) თვით, რომლის ათვლა იწყება სადეპოზიტო ანგარიშზე ამ სახის დეპოზიტისათვის (დეპოზიტი „ყულაბა“) დადგენილი მინიმალური ნაშთის განთავსების მომდევნო დღიდან.

2.1.2. დეპოზიტის მინიმალური ნაშთი: 10 (ერთეული) დეპოზიტის ვალუტაში.

2.1.3. თუ დეპოზიტის ვადის ამოწურვამდე, კლიენტი არ დააფიქსირებს დეპოზიტზე რიცხული თანხის დეპოზიტის ვადის ამოწურვისთანავე გატანის/გადარიცხვის მოთხოვნას, მაშინ დეპოზიტის მოქმედება ავტომატურად გაგრძელდება 3 (სამი) თვით, დეპოზიტის ვადის ავტომატური გაგრძელების თარიღისათვის ბანკში ამ სახის დეპოზიტისათვის (დეპოზიტი „ყულაბა“) დადგენილი პირობებით, გარდა ისეთი შემთხვევებისა, როდესაც დეპოზიტის მოქმედების ავტომატურ გაგრძელებას გამორიცხავს საქართველოს კანონმდებლობა.

2.1.4. დეპოზიტის ვადის ავტომატური გაგრძელების თარიღად მიიჩნევა დეპოზიტის ვადის ამოწურვის დღე.

2.1.5. „2.1.3.“ პუნქტით დადგენილი წესით დეპოზიტის მოქმედება ვადის გაგრძელება ხორციელდება 3 (სამი) თვიანი ვადის ამოწურვის ყოველ ჯერზე.

2.1.6. სადეპოზიტო ანგარიშზე რიცხული თანხა და დეპოზიტზე დარიცხული სარგებელი დეპოზიტის ვადის ამოწურვის შემდეგ ან ყულაბის გატეხვის (დეპოზიტის ვადამდე მოშლის) შემთხვევაში, გადაირიცხება კლიენტის მიმდინარე ანგარიშზე.

2.1.7. დეპოზიტს სარგებლის წლიური განაკვეთი განისაზღვრება მოცემულ მომენტში ამ სახის დეპოზიტისათვის (დეპოზიტი „ყულაბა“) ბანკის მიერ დადგენილი ოდენობით.

2.1.8. დეპოზიტზე სარგებლის დარიცხვა იწყება სადეპოზიტო ანგარიშზე ამ სახის დეპოზიტისათვის (დეპოზიტი „ყულაბა“) დადგენილი მინიმალური ნაშთის განთავსების მომდევნო დღიდან, დეპოზიტის ვადის ამოწურვის ან ყულაბის გატეხვის დღემდე, წელიწადში 365 (სამასსამოცდახუთი) დღეზე გადაანგარიშებით.

2.1.9. იმ შემთხვევაში, თუ კლიენტი ყულაბას გატეხავს (დეპოზიტის ვადამდე მოშლის) დეპოზიტის მოქმედების 3 (სამი) თვიანი ვადის ამოწურვამდე, კლიენტს დაერიცხება პირგასამტეხლო მოცემული 3 (სამი) თვიანი პერიოდისათვის დეპოზიტზე დარიცხული სარგებელის ოდენობით.

2.1.10. დეპოზიტზე 500 000 (ხუთასი ათასი) ლარს/აშშ დოლარს/ევროს ზემოთ არსებულ თანხას სარგებელი არ დაერიცხება.

2.1.11. ბანკს უფლება აქვს, ცალმხრივად შეცვალოს ამ სახის დეპოზიტზე (დეპოზიტი „ყულაბა“) დასარიცხი სარგებელის საპროცენტო განაკვეთი. ცვლილებების შესახებ კლიენტის ინფორმირება მოხდება ცვლილებების ძალაში შესვლამდე არანაკლებ 30 კალენდარული დღით ადრე, რაც განხორციელდება მინიმუმ ერთ-ერთი შემდეგი ფორმით: წერილი, ელექტრონული ფოსტა, ინტერნეტ-ბანკი, ბანკი-კლიენტი, მობაილ ბანკი, სატელეფონო ზარი, მოკლე ტექსტური შეტყობინება.

2.1.12. სადეპოზიტო ანგარიშზე/ანგარიშიდან თანხის ჩარიცხვა, შეტანა, გადარიცხვა და გატანა შესაძლებელია მხოლოდ კლიენტის მიმდინარე ანგარიშ(ებ)ის მეშვეობით.

2.1.13. თუ დეპოზიტი გამოყენებულია, როგორც მოთხოვნის უზრუნველყოფის საშუალება, კლიენტის მიერ დეპოზიტის ვადამდე მოშლა და სადეპოზიტო ანგარიშზე რიცხული თანხის გატანა/გადარიცხვა დაუშვებელია, თუ ბანკის მიერ სხვა გადაწყვეტილება არ იქნა მიღებული.

2.1.14. დეპოზიტის ვალუტა დეპოზიტზე პირველადი შენატანის სახით განსათავსებელი თანხის მოცულობა და დეპოზიტზე მიღებული თანხის დაგროვების სქემა განისაზღვრება კლიენტის განაცხადით.

2.1.15. კლიენტი უფლებამოსილია დეპოზიტი მოშალოს მასზე მიღებული დაგროვების სქემის გაუქმების გარეშე, ასეთ შემთხვევაში, სადეპოზიტო ანგარიშზე ამ სახის დეპოზიტისათვის (დეპოზიტი „ყულაბა“) დადგენილი მინიმალური ნაშთის განთავსების მომდევნო დღიდან იწყება დეპოზიტის ახალი 3 (სამი) თვიანი ვადის ათვლა.

მუხლი 3. მხარეთა უფლება-მოვალეობები

3.1. კლიენტს უფლება აქვს:

3.1.1. მიიღოს დეპოზიტზე რიცხული თანხა და შესაბამისი სარგებელი ამ ხელშეკრულებით და ბანკის მიერ ამ სახის პროდუქტისათვის განსაზღვრული წესითა და პირობებით.

3.1.2. საკომისიო გადასახადის გარეშე მიიღოს ინფორმაცია მის სადეპოზიტო ანგარიშზე ოპერაციების წარმოების შესახებ.

3.1.3. წარადგინოს პრეტენზია ბანკის ნებისმიერ სერვისცენტრში ზეპირი ან სტანდარტული წერილობითი ან ელექტრონული ფორმით. პრეტენზიის მიღების და განხილვის პროცედურა წარმოადგენს საჯარო ინფორმაციას და მისი მიღება შესაძლებელია ბანკის ნებისმიერ სერვისცენტრში. პრეტენზიის განხილვის მაქსიმალური ვადაა 30 (ოცდაათი) კალენდარული დღე სათანადო ფორმით შედგენილი წერილობითი პრეტენზიის ბანკის მიერ მიღების დღიდან.

3.1.4. ნებისმიერ დროს, ვადამდე მოშალოს დეპოზიტი (გატეხოს ყულაბა).

3.2. კლიენტს ეკრძალება ამ ხელშეკრულებით გათვალისწინებული მომსახურების გამოყენება უკანონო მიზნით ან არა დანიშნულებისამებრ (მაგალითად ბანკის რომელიმე მომსახურებისათვის/პროდუქტისათვის დადგენილი საკომისიოს გადახდისაგან თავის არიდება/გვერდის ავლა).

3.3. ბანკი ვალდებულია:

3.3.1. მიიღოს ამ ხელშეკრულებით გათვალისწინებული თანხა, როგორც დეპოზიტი და დაარიცხოს მას სარგებელი ამ ხელშეკრულებით განსაზღვრული წესითა და პირობებით.

3.3.2. კლიენტს გადასცეს დეპოზიტზე რიცხული თანხა და ხელშეკრულებით განსაზღვრული შესაბამისი სარგებელი დეპოზიტის ვადის ამოწურვის შემდეგ ან დეპოზიტის ვადამდე დახურვის შემთხვევაში, იმავე ვალუტაში.

3.3.3. დაიცვას საბანკო ინფორმაციის კონფიდენციალურობა, არ გასცეს ასეთი ინფორმაცია მესამე პირზე კლიენტის თანხმობის გარეშე, საქართველოს მოქმედი კანონმდებლობით გათვალისწინებული შემთხვევების გარდა.

3.4. ბანკს უფლება აქვს:

3.4.1. განკარგოს დეპოზიტის ანგარიშზე რიცხული თანხა საკუთარი სახელითა და შეხედულებისამებრ.

3.4.2. კლიენტის წინასწარი ინფორმირების გარეშე შეუწყვიტოს კლიენტს ამ ხელშეკრულებით გათვალისწინებული მომსახურება და დაარიცხოს პირგასამტეხლოს დეპოზიტზე დარიცხული სარგებელის ოდენობით, თუ ბანკს გაუჩნდება ეჭვი, რომ კლიენტი არღვევს „3.2.“ პუნქტით გათვალისწინებულ ვალდებულებას;

3.4.3. უაქცეპტო წესით ჩამოწეროს ბანკში არსებული კლიენტის ნებისმიერი ანგარიშიდან ამ ხელშეკრულებით გათვალისწინებული პირგასამტეხლო.

მუხლი 4. განსაკუთრებული დებულებები

4.1. ბანკს უფლება აქვს კლიენტის მოთხოვნის შემთხვევაში, ამ დეპოზიტის უზრუნველყოფით, შესაბამისი ხელშეკრულების საფუძველზე გამოუყოს კლიენტის ან მესამე პირს ბანკში არსებული ნებისმიერი საკრედიტო პროდუქტი.

4.2. იმ მომენტიდან, როდესაც დეპოზიტი გახდება „4.1.“ პუნქტით გათვალისწინებული ვალდებულებების უზრუნველყოფის საშუალება (მხარეთა შორის ფორმდება შესაბამისი ხელშეკრულება), ბანკს ეძლევა დეპოზიტის და მასზე დარიცხული სარგებლის ხარჯზე თავისი მოთხოვნ(ებ)ის უპირატესი დაკმაყოფილების უფლება ყველა სხვა კრედიტორთან შედარებით.

4.3. ამ ხელშეკრულებით კლიენტი ბანკს ანიჭებს, ბანკის წინაშე მისი ვალდებულების დასაფარად, ან შესამცირებლად მისი დამატებითი თანხმობის გარეშე, დავალიანების თანხის ბანკში არსებული კლიენტის ნებისმიერი ანგარიშ(ებ)იდან ჩამოწერის უპირობო უფლებამოსილებას. თუ დავალიანება დაფიქსირებულია ეროვნული ვალუტისგან განსხვავებულ ვალუტაში, ექვივალენტი დგინდება ბანკის მიერ თანხის ჩამოწერის მომენტისათვის ბანკში დადგენილი კურსით. ამ შემთხვევაში, ხელშეკრულება ითვლება კლიენტის მიერ ვადამდე შეწყვეტილად.

მუხლი 5. ხელშეკრულების მოქმედება და სხვა პირობები

5.1. ეს ხელშეკრულება ძალაში შედის კლიენტის მიერ მასზე მიერთების დადასტურების (დასაშვებია ხელშეკრულებაზე მიერთების დადასტურება კომუნიკაციის ელექტრონული საშუალებ(ებ)ის გამოყენებით) მომენტიდან და იმოქმედებს ნაკისრი ვალდებულებების სრულად შესრულებამდე.

5.2. ამ ხელშეკრულების ტექსტი განთავსებულია ბანკის ინტერნეტ-გვერდზე <http://www.basisbank.ge/agreements/>, მოთხოვნის შემთხვევაში კლიენტს გადაეცემა დაბეჭდილი და ბანკის უფლებამოსილი პირის მიერ ხელმოწერილი ხელშეკრულება.

5.3. ამ ხელშეკრულების რომელიმე ნაწილის ბათილობა და/ან მოქმედების შეწყვეტა არ იწვევს მთლიანად ხელშეკრულების ბათილობას ან მოქმედების შეწყვეტას.

5.4. ნებისმიერი შეტყობინება ხორციელდება წერილობით, ან ამ ხელშეკრულებით გათვალისწინებული სხვა ფორმით. წერილობითი შეტყობინება მხარეს უნდა გადაეცეს შეტყობინების გამგზავნისთვის ცნობილ ბოლო მისამართზე. ბანკს შეუძლია შეტყობინებისთვის გამოიყენოს კომუნიკაციის სხვა საშუალებებიც: ელექტრონული ფოსტა, ინტერნეტ-ბანკი, ბანკი-კლიენტი, მობაილ ბანკი, სატელეფონო ზარი, მოკლე ტექსტური შეტყობინება, ფაქსი.

5.5. მხარეთა შორის წამოჭრილი ყველა დავა და უთანხმოება გადაწყდება მოლაპარაკების გზით. შეთანხმების მიუღწევლობის შემთხვევაში დავას განიხილავს ქ. თბილისის საქალაქო სასამართლო, საქართველოში მოქმედი კანონმდებლობის შესაბამისად. წინამდებარე ხელშეკრულებით მხარეები თანხმდებიან, რომ საქართველოს სამოქალაქო საპროცესო კოდექსის 268-ე მუხლის 1¹ ნაწილის შესაბამისად, ამ ხელშეკრულებიდან გამომდინარე დავასთან დაკავშირებული ბანკის სარჩელის დაკმაყოფილების შემთხვევაში, პირველი ინსტანციის სასამართლოს მიერ მიღებული გადაწყვეტილება (მათ შორის გადახდის ბრძანება) მიქცეულ იქნეს დაუყოვნებლივ აღსასრულებლად.

5.6. მხარეები თანხმდებიან, რომ ბანკის ინტერნეტ-გვერდზე განთავსებულ და ბანკის მონაცემთა ბაზებში (კომპიუტერულ პროგრამებში) დაცულ ინფორმაციას, ამ ინფორმაციის ბანკის მიერ დამზადებულ ელექტრონულ ასლებსა და ამონაბეჭდებს, რომლებიც დამოწმებულია ბანკის დირექტორის ან მის მიერ უფლებამოსილი პირის ხელმოწერით, აქვთ მტკიცებულებითი ძალა ამ ხელშეკრულებით გათვალისწინებულ ურთიერთობებთან დაკავშირებული ფაქტების არსებობა-არარსებობის დადასტურების მიზნებისთვის.

5.7. ბანკს უფლება აქვს, ნებისმიერ დროს, ცალმხრივად შეიტანოს ცვლილებები (დამატებები) ამ ხელშეკრულებაში, ცვლილებების შესახებ კლიენტის ინფორმირება მოხდება ცვლილებების ძალაში შესვლამდე არანაკლებ 30 კალენდარული დღით ადრე, რაც განხორციელდება მინიმუმ ერთ-ერთი შემდეგი ფორმით: წერილი, ელექტრონული ფოსტა, ინტერნეტ-ბანკი, ბანკი-კლიენტი, მობაილ ბანკი, სატელეფონო ზარი, მოკლე ტექსტური შეტყობინება. კლიენტს უფლება ექნება ბანკის შეტყობინების მიღებიდან 30 (ოცდაათი) კალენდარული დღის გასვლამდე ნებისმიერ დროს შეწყვიტოს ამ ხელშეკრულების მოქმედება ბანკისათვის წერილობითი შეტყობინების გადაცემის გზით.

5.8. იმ შემთხვევაში, თუ კლიენტი არ ისარგებლებს ამ ხელშეკრულების “5.7.” პუნქტში აღწერილი უფლებით, ბანკის მიერ შეთავაზებული ცვლილებები (დამატებები) ჩაითვლება კლიენტის მიერ მიღებულად, ხოლო ხელშეკრულება შეცვლილად, შეთავაზებული პირობების შესაბამისად.

5.9. მხარეები თანხმდებიან, რომ ბანკს არ ევალება კლიენტის ინფორმირება ხელშეკრულების ისეთ ცვლილებაზე (დამატებაზე), რომელიც არ აუარესებს მის მდგომარეობას და ძალაში შეიყვანოს ბანკი ოფიციალურ ინტერნეტ გვერდზე მისი განთავსებისთანავე.

5.10. კლიენტის განაცხადი წარმოადგენს ამ ხელშეკრულების შემადგენელ ნაწილს.

5.11. იმ საკითხების მოწესრიგებისას, რომლებიც ამ ხელშეკრულებით არ არის გათვალისწინებული, მხარეები ხელმძღვანელობენ საქართველოს მოქმედი კანონმდებლობით.

5.12. დეპოზიტზე არსებული თანხა, „დეპოზიტების დაზღვევის სისტემის შესახებ“ კანონის თანახმად, დაზღვეულია და სადაზღვეო შემთხვევის დადგომის შემთხვევაში, სსიპ დეპოზიტების დაზღვევის სააგენტოს მიერ ანაზღაურდება ბანკში დეპოზიტარის ყველა ანგარიშზე (მათ შორის, უცხოურ ვალუტაში) არსებული ჯამური თანხიდან 5,000 (ხუთი ათასი) ლარის ფარგლებში, ხოლო დანარჩენი თანხა (ასეთის არსებობის შემთხვევაში) ანაზღაურდება მოქმედი კანონმდებლობით გათვალისწინებული წესით. დამატებითი ინფორმაცია განთავსებულია დეპოზიტების დაზღვევის სააგენტოს ვებ-გვერდზე: www.diaagency.ge.